

L. ij. ff. de
origi. iur.

Se du president est prie
Pour conseiller quelque matiere
A sa grande grauite fiere
Aucune chose de nouueau
Ne dira qui soit bon ne beau
Aussi seroit contre nature
Que dung vaisseau sortist eau pure
Et clere qui est macule
Les aultres suit comme acule
Et semble qui ne veult mot dire
Mais il ne les veult contredire
De peur destre deulx mesprise
Et voy la le conseil brise
Voy la comment ilz se deschargent
De iustice que sur eulx chargent

Uha senat que griefue iacture
De toy sourt par la forfaiture
Qui se fait a cens et nulliers
Et de tes propres conseilliers
Qui se mectent souuent en bande
Quant matiere petite ou grande
Doient pour arrest en donner
Et pour en faire et ordonner
Ce qui sen trouuera par eulx
Et quant seulement ilz sont deux
Dune semblable opinion
Nullx de ceulx de lunion
Et bande ne lempeschera
Au moien de quoy donnera
Par ce raport iniustement
La court inique iugement
Mais ce nest pas assez de ouyr
Les aultres ne de les supuir

xl. q. iij. r. si
ad tempus

Alleguer fault raisons recentes
Bonnes canonicques decentes
Vouler l'une et lautre pensee
De la loy ou cas pour pensee
Affin que celui que tu iuges
Deuant le grant iuge des iuges
Ne die que mauuaisement
Las iuge par ton iugement
Si ainsi est te iugera

Le grant iuge et tadiugera
Pour tout iugement les enfers
Qui a lors te seront ouuers
Une croy moy que on temps que tu vis
En ce monde quil test aduis
Que dieu ne sache les pechez
Dont les humains sont entachez
Si fait. et toute chose en somme
Doire la pensee de lomme

Pour ce croy moy car se voulois
Bien garder la reigle des loix
Et la maniere de iustice
Et monstret ton conseil propice
Et ton vouloit bien saigement
Il te faudroit premierement
Quand tu veulx iuger vng proces
Ciuil: criminel: ou deyxces
Qui soit grant ou bien de heritaiges
Demander conseil aux plussaiges
Car ainsi que tu iugeras
Les aultres et iuge seras
Et tormente par eacus
Iuge des infernaux pasus

Dieu puissant apres nostre mort
Autant le foible que le fort
Iugera et la trouueres
Les pauures gens que vous aures
Greuez par grant extorcion
Dont aures la pugnition
Pour ce mal cy sempiternelle
Car qui en la vie mortelle
Ne fait iustice comme il doit
Après son trespas il se doit
Accuse deuant le grant iuge
Qui selon les maulx et biens iuge
Dont ne se scauroit la science
Du monde ne la sapience
Desiurer de ce iugement
Car iamais ce iuge ne ment.

De pe. r re.
c. cuz ex co.
L. de iudi.
l. rē n nouā

De re iudi.
cū eterni li.
vj.

De auarice et prodigalite.

b2